

(1) ساعة العصاري

ساعة العـصـاري
وغير لي حالي
وجرح لي قلبي
عـرف المـخـبي

ساعة العـصـاري آه يا امه
حبيبي فـات جنبي يامه
غمـز برموشه آه يامه
فضحتني عنيه وكسوفي

ساعة العـصـاري
وغير لي حالي
قلت له مكسوفة
أنا بنت عفيفه

ساعة العـصـاري آه يا امه
حبيبي فـات جنبي يامه
دا قال لي عاوز كام بوسه
روح اطلب ايدي من ابويه

ساعة العـصـاري
وغير لي حالي
وعنده كام توتة
وتلاتة قوطة

ساعة العـصـاري آه يا امه
حبيبي فـات جنبي يامه
دا قال لي عنده كام نخلة
واربع فدادين قطن منور

ساعة العصاري

وغير لي حالي

تان وطرحة مشغولة

وعيون معسولة

ساعة العصاري آه يا امه

حبيبي فات جنبي يامه

دا قال لي ها اجيب لك كام فس

يا غصن البان وياعود ريحان

ساعة العصاري

وغير لي حالي

ساكن قُصادنا

لوجه قصدنا

ساعة العصاري آه يا امه

حبيبي فات جنبي يامه

ساكن قُصادنا آه يا امه

ياريت ابويه ما يكسفه

ساعة العصاري

وغير لي حالي

ساعة العصاري آه يا امه

حبيبي فات جنبي يامه
